

Einrit Keyser Carlen
in die alten Keyserlichen haubtstatt
Rom / den 5 Aprilis. 1536.


II n
2030

Aus allerley Welschen vnd Teutschen Missionen an Her
zogen von Florentz/ vñ andere Herrn geschriben/
fleissig außzogen vnd verglichen.



Te assumam, & regnabis super omnia quæ desiderat
anima tua, erisq; Rex super Israel, iij. Reg. xi.







Gnediger Fürst vnd Herr/dieweil
innerhalb lxxiiii. jaren kein Kayser zu
Rom eingeritten/dann souil Kaiser Friede
rich bey zeyten Babst Paulus/bilgrams
weyß vnnnd gelübts halben do gewesen ist/hab ich
mit souil destmerem fleys vnd arbeit/dises Kayser-
lich einreyten/auß den Welschen trücken/vnd Teut-
schen Nüssen/an Herzog Alexandern von Flo-
renz/etlich meiner Herrn/vnd ander mer außgan-
gen/souil dero biß an heut in dise Statt gelangt ha-
ben/auß ziehen/Vnd souil mir müglich gewesen ist/
vergleychen/vnnnd in ordnung bringen wöllen/das
gerüchen Ewer Fürstlich Durchleuchtigkeyt gene-
digklich anzuhören.

Dise beschreybung ansahen etlich an dem/das
Babstliche. h. vnsern Herrn Kaiser gen Rom zu-
kommen geladen haben soll/welche ankunfft allerley
vmbblaussenden Practiken halben Friden vnnnd krieg
betreffent/etwas zweyfenlich worden vñ verzogē
sey. Als sich aber Kayserliche Maiestat einzureyt-
ten entschlossen/hab Babst Paulus di Mansignor/
di Gambera/di Pavia/di Todi vnd Giouanni Gad
di zu Commissarien verordent/herbug/Beth/Victua
lien/Triumph bögen/vnd andere nötturfft zu ehr er-
bietung vnnsers Herrn Kayfers zu bestellen/vnnnd

A ij fürsehung



fürscheidung zuthun / hab auch verordnet Mansignoz
Balthasar de Pescia seiner Mai. in allen den Kirchē
flecken ehr zu erpieten. Zum ersten entgegen reyten die
Mansignoz Sipontino / Erzbischofen von Senis /
Capizuka / vnd Bischoffen von Colona. Vnd
volgendt zwen Cardinel Legaten / di Trani vnd
Sanfeuerino / die seyner Maje. zu beyden seyten
geritten seyn.

Also ist vnser aller Herr der Römisch Keyser
Dinstag nach Judica / den vierdten Aprilis / zu
abendts zu Sanct Paulus zu Rom ankommen /
hat daselbst vbernachtet. Den fünfften Aprilis zu
morgen gessen / vnd den weg genommen auffs Cape
ner / das ist Sant Sebastians thor / durch ein wey
te schone strassen / hier zu vor etlichen tagen sonder
lich zugerichtet.

Daselbst zu Sant Sebastian haben sich vast
all Cardinel / aufferhalb etlicher / so bey Bapstli
cher h. beliben seyn / all Erzbischoffen / Bischof
fen / Prelaten / Graffen / Edel Römer / Officier vñ
hoffgesind versamelt / Kay. Maje. gewartet / vnd
die selben nach irer ordnung mit billichen Ceremoni
en vnd neygungen entpfangen / Darauff der einrit
zwo stund nach mittag angefangen / vnd biß auff
ein stund vornachts gewert hat / in nachuolgender
ordnung ongefert.

Den

Den vorzug hat gehabt Marques del Quasto/
Key. May. General Capitani vber das Fußvolck/
mit vierzehen Fenlein guter Spanier vnd Neapoli-
taner / der krieg erfahren / vnd wol Armirt mit hal-
ben Hacken vnd Langenspiessen / Vnd neben jm luf-
fen zwelff Lackayen in gelben Sammet gekleydet.

Auff dise zog der hertzog von Albe ein Spani-
er / Key. May. obuster Hauptman der Neapolita-
nischen gereysigen / in einem ganzen vergulden Kür-
riß / vnd einem Sylberen wappenrock / dem ritten
vor acht oder zehen Edel knaben auff schonen Jeni-
tern vnd hengsten / wol gezaumbt vnd reichlich ge-
schmuckt / Seyne Edelleut knaben vnd Pferdt wa-
ren in gulden stucken von mancherley sorten gearbeit
vnd gelben Sammat all in seyn liberrey vnd farb / so
wol als seine Lackayen auffs kostlichsts gekleydet/
vnd geziert / Der füret nach jm bey acht Fenlein o-
der Squader Neapolitanischer Kürisser vnd leyche-
ter Pferdt / nach der Land art / gnug wol gerüst
vnd angethon.

Auff dise seyen geritten die Officier / Canonici
Sancti Petri / allerley Hoffgesind der Keyserisch-
en gewaltigen / der Edeln Burger zu Rom / der Car-
dinen mit iren Valzien / sampt des Papsts lew-
ten / etwan vil inn langen Scharlachen Pfaffen
röcken / So waren bey sechzig der Römer diener

zu Ross vnd fuß / in weyße Atlesse wammes / zerschnitten hosen / mit braunem Ginesin vnterfutert / vnd braune Spanische mentel / mit zweyen weyssen Atlassen strycken verbrempt / gekleidet / hetten braune piret auff mit weyssen federn wolgeburt.

Darnach Key. May. Stall / bey vierundzwezig pferden / ye eins hüpscher dann das ander / dar auff die Edlen Knaben sassen / in gelbem vnd weyßem Sammat / des Keyfers farb vnd liberey auffss kostlichsts gekleidet vnd geschmuckt.

Auff dise ritten in einem Squader / das vast lustig zu sehen was / inn zweyhundert vnser Herrn Keyfers gewaltigen / Fürsten / Graffen vnd groß herren / Spanier / Teutschen / vnd Italianer mit iren Trabanten ganz kostlich gekleidet / die zu erze len lang vnd nit wol möglich were / Darunter waren mein Gnedig Herren / Marggraff Hans Albrecht Meyntzischer Statthalter zc. Marggraff Friderich Thumprobst zu Würzburg zc. Bischoff Jorg von Puren / Der hertzog de Grauna / Signor Girelamo auch ein Orsiner / Der Graff von Mirandula / Signor di Camerino / Signor Alcamio Colona / Signor Mario / Signor Giulio / der Prinz di Stigliano mit dem Fürsten di Busignano Signor Octauio di Farnese / vnd Signor Braccio di San

di Sancta Fiore / der Prinz von Salerno / vnd
der Herzog von Malsi / Signor Petro Aluigi di
Farnese des Babsts sun / vnd der Marckß de A-
starga / in irer ordnung / vnd ritten alle mal die
Ambasatorn / souil jr waren / zwischen zweyen gros-
sen Herren.

Vnter allem Keyserlichem Hoffgesind behielt
den preysß ein Spanischer Graff di Beneuento /
dem ritten vor acht Edel Knaben auff schonen Cor-
sarn vnd Tenetern / die waren all sampt seynen
sechs Lackayen inn gulden vnd sylberen tuch sehr
kostlich gekleydet.

Auff dise ritte der Senator Von Rom gekleydet
inn ein gulden mantel auff Antigisch / mit einem
herzogischen guldin piret / mit hermelin vnterfütert /
sampt dem Gubernator von Rom / vnd dann der
groß Scudier Kayserlicher Maiestat stalmeyster /
der ihr ein bloß schwert für füret .

Die Edlen Römer hetten bey hundert minder
oder mehr bürger / von den besten hewsern vnd ge-
schlechtern auß ihnen ausgeschoffen / der waren
vierzig von den eltern inn brawn Carmasin samo-
mat / vnd vier Conseruatorn in langen gulden stu-
cken auff alt frenckisch gekleydet / die vor vnd neben
vnserm Herren Keyser zu fuß giengen / die andern vn

jungen bürger hetten an weiß atlese wammes mit
brawn Ormesin vnterzogen/ weyß zerschniten ho-
sen / vnd brawn atlasß vnd Sammate röckh/ gien-
gen neben vnfers herrn Kaisers stegraisen/ trugen
das Baldakin / so von guldem tuch gemacht was/
vnd wechsleten ab .

Vnter den selbē ritt vnser aller Herr 8 gotfürchtig
fridlich gütig Kaiser Carl 8 funfft auff einē apfelgra-
wen hengst/ als ein freundt/ on allē bracht/ vngewa-
pnet in einem brawnen sammaten wapenrock/ vnd
brawnen hüt mit etlichen gulden schnüren vnd bün-
den geschmückht / zwischen obgemelten Cardinelen
de Mansuerino vnd Trani.

Vmb die Kay. May. lieffen vnd ritten ihr leyb
gwardia vngewerlich hundert Teutsch Trabanten/
hundert Spanier mit hellenparten/ vnd hundert
Burgundisch schürzen vnd hartschier.

Auff die Kay. May. ritten xx. in xxiii. Cardinal/
bey xxx. Erzbischoffen vnd Bischoffen/ vnd ander
Prelaten in ihren habiten vnd ordnung/ ye zwen vnd
zwen sambt ihren staphirn vnd dienern.

Den volgeten bey drey hundert wolgerüster ley-
chter pferdt/ vnd vier sehnlein Spanier/ also das sein
May. auß irem Königreich Neaplis in xv. hundert
gerüster

gerüster pferdt / darunter bey vier hundert Lanzzen
vndbey vier tausent Spanisch vnd Italianisch
knecht/darunter ob xxv. hundert halb hacken schü-
zen/ein wol bewert erfarn vnd außerlesen kriegs
volck in disem einzug gehabt hat .

Mit sollicher ordnung ist vnser herr Kaiser durch
die alten Triumph strassen/ so mit niderbrechung vi-
ler herwer erweitert was / durch sanct Sebastians
vor alters Capener thor genant/ zu Rom eingeriten
biß auff sant Peters platz/ do war auff der stiegen
vor sant Peters Münster ein püne auff gericht/ dar-
auff Babst Paulus in seinem Pontifical habit sitzent
wartet/ sampt etlichen Cardineln/ seinem hof gesind
vnd Guardia. Vnd als der Römisch Kaiser yetzo die
obusten stoffel/ dahin im der Babst entgegen gangen
was / antreten/ vnd ihn ehren wolt/ vmbfieng in der
Babst / vnd giengen also samtplich hinein inn sant
Peters Münster/ Daselbst bey der haubt thür/ nei-
gten sich Mansignor Capizuka des Babst Vicari/
sampt sant Peters Canoniken/ mit dem Creutz gegen
Kay. May. das sie jr mit etlichen andechtigen cere-
monien zu küssen reichten/ Darauff bettet Ka. May.
vnd saget Got danck vor sant Peters altar/ entpfien-
g sampt seinem hoff gesind des Babsts segen/ vñ gieng
mit im zu ehgemelter thür widerumb heraus in den
Bäbftlichen Palast/ vnd schieden auff dem Sal der
B Cap-



Capellen mit gebührenden ceremonien von einander /
der Papst in sein gewonlich losament / vnd der Key
ser zur rechten hant in weylant Papst Alexanders
oder Cardinals de Medici stanzien / an sein rwe.

So vil nun die Triumph pogen / freud vnd ehr-
erbietung belangt / weis ich vnnot sein alle ding von
worten zu worten zuuertuschen / Diuweyl E. F. G.
als ein geleter Fürst / auß disem kurtzen Summari
die mainung genugsamlich verstehn werden.

Außerhalb S. Sebastians Pforten / wurden
allerley zierliche Ceremonien gehalten / vnd vil wyrdi
ger historien gemalt / auff beyden seyten waren zwen
lustiger pfeyle / vnd auff den selben zwo bildtnus /
eine vnser Herr Jesu Christi mit disem Epitaphio.

Domine tu hic eras.

Die zur lincken handt / gleichet der Status auff S.
Peters prucken / mit diser schrifft.

Redi, hic sedem meam constitue.

Oberhalb der Porten wardt der erst Fundator der
Statt / so natürlich gesehen / als ob er lebet / hilt in
der rechten handt des Papsts Reich / sampt seinem
wappen / Vñ in der lincken das Keyserthumb / sampt
dem wappen / ob dem haubt stund geschriben.

Quirinus pater.

Auff

Zuff der rechten seyten stund Numa Pompilius der
ander Römisch König / mit diser vnterschafft.

Numa Pompilius Rex.

Zur lincken seyten Tullus Hostilius der drit Römischer
König / mit diser vnterschafft.

Tullus Hostilius Rex.

Ober iren häubtern was ein lustig Epitaphium.

CAROLO V. Rom. Imp. semper August.
tertio Africano.

Zur rechten handt des Thors sahe man Africanum
maiozem den sichafften / durch das selb Thor gen
Rom wider kommen / vnd zu seinen füßen geschriben.

Q. Fuluius Flaccus Capena illatus Afros depulit.
Der selben endt waren auch allerley andre bildnussen
mit disen vmbgeschriben.

Scipiadis medium Cæsar te moenibus infers,

Quemlibet è uicto tertia palma manet.

Terentius Culeo Africanus maior Senator.

Deo pro nobis stante Afri repulsi,

Auspici foelicitatis.

Religionis assertori.

Præsidi securitatis.

Vadi stabilitatis.

Piratarum uindici.

B ij



Turcarum euerlori.

Quietis fundatori.

Von diesem Thor / so ganz verguldet was / reyt vnser
herr Keyser durch die Apianer strasz bey S. Gre-
gorien / durch ein gassen / die auch derhalben erwey-
tert / do was bey Septem Solio ein lustiger springe-
der brun mit Rosenwasser / der all die füruber zogen /
besprenget / Vnd auff S. Marx platz ein Triumph
bogen / seyner Key. May. dedicirt / mit einem solli-
chen Epitaphio.

CAROLO V. Augusto à Deo coronato, magno
& pacifico Romanorum Imp.

Carolo dem Fünfften / merern des Keychs / von
Gott gekrönt / dem grossen vnd fridsamen Keyser
der Römer.

Ob dem pogen waren Bapstliche vnd Keyserli-
che wappen / vnd zun seyten gemalt / vnd bedeutet /
der scharmüzel zu Tunisi mit Barbarossa / der sturm
der Guleta / fengknus der gewaltigen zu Tunisi / dz
treffen zu Ross in Africa mit den Türcken / die Resti-
tution des Königs von Tunisi / die eroberung Tu-
nisi / die freymachung vnzalbarer gefangner Christen
zu Tunisi / Key. May. sighassie widerkunfft von Tu-
nisi / vnd der gleychen mer / mit iren zugeordneten
vmbschufften.

Coronæ terra maricq; expugnata.

Guletæ

Guletæ munitionibus expugnatis, classēq; occupata,
& hostibus toto stagno trucidatis atq; submersis.
Turcæ uno die tribus p̄lijs fusi fugatiq;. Mulfasses in-
signi uictoria restitutus à Cæsare, coronatur.
Castella in angustijs Naupacteis terra mariq; expu-
gnata & incensa.

Quintum repulsis hostibus egregie defensum
Christiani à miserabili seruitute liberati, restituti,
uictoriam Cæsari gratulantur.

Tuneto capto, Turcæ Pœniq; in seruitutem à no-
stris ad classē pertrahuntur.

Da zwischen waren eingeteylet die bildtussen Kō-
nig Rudolffs / Kōnig Albrechts / Keyser Fridrichen /
vñ Keyser Maximilian / hochloblichster gedechnus.

Die gassen waren allenthalben / Sonderlich vom
Campo Flor bis auff die prucken / mit kostlichen Tape-
zerien behengt / vñ das gantz Borgo bedeckt / wie am
Antlas tag gewonlich ist / vñnd inn allen fenstern /
vil grosser herrn vnd edler burgerin / auch bey der al-
ten Cantzley etlich schone gemelh vnser herren Jesu
Christi / Cleopatra / Lucretia / vnd der gleychen / die
schienen / als ob sie lebten.

Auff der prucken des Castels S. Angeli warē auff
gericht zehen bildnus / ein sonderlich kunst stuck. S.
Peter mit den vier Euangelisten eins / vnd S. Paul
mit den vier Patriarchen / Adam / Noe / Abraham /

B iij vnd

vnd Moises anders theils. Auff dem schloß thor
zur rechten vnd lincken hand was geschriben.

Aspiciens Tyberis læto te lumine Cæsar

Inquit Scipiadae cedit, cede Mari.

Ob res præclarissime religiosissimæq; gestas,

Et uictorias terra mariq; partas.

Am für vber ziehen ward alles geschütz groß vnd
klein im Castel zu einem freuden zeychē abgeschossen/
das wol einem ernst gleich sahe / in massen auch ege-
melt vnser Herr Keyfers Kriegsvolck auff S.
Peters platz / do sie seiner May. in irer ordnung war-
teten / all ihr handgeschütz vntereinigs abschussen.

Zwischen eingang der dreyer thür zu S. Peter/
waren gestelt vier sewlen mit vbergulden Capitellen
vnd einem aufgerichtem gepew / darauff S. Peter
stund / 8 gab die benediction / dabey was geschriben.

CAROLO V. Impe. semper Aug. Christianæ reip.
propagatori.

Vnd ob dem thor des Palatz.

CAROLO V. Semper Aug. Maumentanorum pa-
uori palloriq;.

Zu oberst waren des Babsts wappen zwischen den
vier Engeltugenden gemalt.

Oberhalb der Columnen Capitellen Keiser Augu-
stus zu einer / vnd zur andern seiten Kaiser Constanti-
nus bildnuß.

Die selben vn̄ die volgendē necht / habē der Bēbst-
lich

lich Castellan/ Cardinel/ Fürstē/ Potschafftē vñ Rō-
mer/ vor iren Palesten vnd hewsern freundenfesz ge-
macht/ lustige fenzwerck geworffen/ vñ sehr geschos-
sen/ vnd die Rōmer für genommen auff den neun-
den Apulis/ Rōmischer Kay. May. mit vmbfürung
xiiij. Triumph Karren vñ in ander mehr weg / aus
der massen schöne freuden fest / vnd lustige spectackel
zu halten.

Das vnd anders / sonderlich aber ob die Kay.
May. auff ihr fleissichist ersuchen vñ anhalten des
notwendigen Chrustlichen Concilion halben etwas
erhalten vnd außgericht hab/ werden E. S. D.
kurtzlich vernemen/ dero ich mich hiemit vntertheni-
gich beuelhen thue. Datum Nürnberg den
xxij. Apulis / Anno M. D. XXXVI.

E. S. hochheyt

vntertheniger getrew-
er erbdienet

Christof Schewel
der Rechten Doctor.

Mihi autem adhærere Deo bonum est, ponere in
Domino spem meam. Psal. lxxij.

27. 11. 2035

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.



Einrit Keyser Carlen in die alten Keyserlichen haubtstatt Rom / den 5 Aprilis. 1536.

II n
2030

Aus allerley Welschen vnd Teutschen Missionen an Her
zogen von Florentz/ vñ andere Herrn geschriben/
fleissig außzogen vnd verglichen.

CAROLVS.V. ROM. IMP. P. P.



s super omnia quæ desiderat
x super Israel, iij. Reg. xi.

